



Siverth K. Heilmann

UPA 2022/92-1

Atassut

04. Maj 2022

Aalisartunut qaleralinnik paggatassiilluni aalisarsinnaanermik akuersissuteqartunut angallatip annerpaaffissaanik piumasaqaat 9 miiterimut qaffanneqassappat, aalisartunut inuiaqatigiinnullu sunniutissai pillugit Naalackersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinerimi inernerit kingusinnerpaamik UPA 2023-imi inatsisartunut agguanneqassapput.

(Inatsisartunut ilaasortaq Kim Kielsen, Siumut)

Siullermik inatsisartuni ilaasortaq Kim Kielsen, Siumut, qutsavigissavatsigit inatsisartunut aalajangiiffigisatut siunnersuuteqarninnut, imatullu naatsumik Atassummiit oqaaseqarfigissavarput.

Siunnersuummi qulequtarineqartoq inatsisartuni oqallisigisartakkatsinnut ilaalluinnartoq qaqqineqartoq Naalackersuisut misissueqqullugit peqquneqarnissaannik imalik, tunngaviatigut Atassummiit taperserlutigu oqaatigereersinnaavarput.

Aalisarneq pillugu inatsisartuni oqallinnerpassuarni, Atassut ersarissunik, sulilu aalisartut nunattalu karsianut annertunerujussuarmik aningaasarsiorneq qaffassarneqarsinnaasoq. Tattorliuunneq aalisarneq pinnagu, peqassuseq illersorusukkipput. Imartarujussuatsinni aalisariutit anginerumaat avalassinnaasullu ilanngullugit periarfissiinerisigut naleqqussaasoqartariaqartoq.

Atassut Naalackersuisuusartuniit partiinillu oqariartuutigisartakkagut pillugit paasineqartariaqalerpoq. Aap sinerissap qanittuani taasakkatsinni kangerluppasuarnilu umiatsiaaraannaangitsut aalisarsinnaasarput.

Qujanartumillu umiatsiaaqqat siunnersuuteqartup tikkuagai anginerumaat initaarallit atortorissaarnerusut isumannaallisakkallu atugaaleriartorput.

Atassummiik qaleralik kisimi aalisagaanngimmat, aalisariaatsinut soorlu saarullinniarnermi, nipisanniarnerni il il inatsisiliortutut naleqqussaannissaq nalilersuisoqartariaqarnera eqqumaffigeqqullugu Atassummiit inassutigissavarput.

Taamatut oqaaseqarluta siunnersuut tunngaviatigut taperserparput, inassutigissallutigulu suliap aappassaaneerneqartigani ataatsimiititaliamut susassaqartumut, Atassummiit oqariartuutigut ilanngullugit nalilersuisoqaqqaassasoq.

Qujanaq.